

KULANKA 1AAD EE ZÚME QORAALKA MUUQAALKA

Neefsashada xagga Ruuxa

Ku soo noqosho wacan tababbarka Zumé.

Kulankan, waxa aan uga hadli doonnaa wax ku saabsan inaan Ilaah wax ka maqalno oo wixii aan ka maqalnay addecno.

Neefsashadu waa nolol. Nolol ayaan neef ahaan noo gasha, nagana soo baxda. Nolol.

Neefsashadu waa mid muhiimad ku dhex leh Boqortooyada Ilaah.

Sida xaqiiqdu tahay, Ilaah waxa uu Ruuxiisa ugu yeedhaa - “neef/hawo”

Boqortooyada dhexdeeda, neefta gudaheenna gashaa waa waxa aan Ilaah ka maqalno.

Waxa ay ina gashaa marka aan Ilaah ka maqalno oo uu noo soo maraa EREYGIISA – ah Baybalka.

Waxa ay ina gashaa marka aan Ilaah ka maqalno oo ay noo soo martaa SALAADDa – ah xidhiidhada aan Isaga la yeelanayno.

Waxa ay ina gashaa marka aan Ilaah ka maqalno oo ay noo soo marto JIDHKIISA – ah kaniisadda, rumaystayaasha kale ee Ciise.

Waxa ay ina gashaa marka aan Ilaah ka maqalno oo ay noo soo marto SHUQULLADIISA – ah dhacdooyinka, iyo mararka qaar xataa silica iyo saxariirta uu u oggolaado in carruurtiisu ay maraan

..

Boqortooyada dhexdeeda waxan soo neefsannaa nolosha marka aan samaynno wixii aan ka maqalnay Ilaah. Oo waxaan neefsannaa markii aan ADDEECNO.

In ADDEECISTU ay kaasoo baxdaa macnaheedu waxaa weeye inaan beddelno fikirradeenna, hadalladeenna ama ficilladeenna oo aan la nimaanno kuwo ku xidhan Ciise iyo doonistiisa..

In ADDECCSITU ay kaasoo baxdaa macnaheedu waxaa weeye inaan dadka la wadaagno wixii uu Ciise nala wadaagay – aan iska dhaafno wixii nalaga reebay - si kuwa kale ay barako ugu noqoto wixii nalagu barakeeyay.

Qofka Ciise rumeeya neefta nolosha ee gashaa ee ka soo baxdaa waa mid aad u adag. Waa nolosheenna oo dhan.

Ciise waxa uu yidhi - Wiilku keli ahaantiis waxba ma samayn karo, wuxuu arko Aabbahoo samaynaya mooyaane. Wax kastoo isagu sameeyo ayaa Wiilkuna sidiisa u sameeyaa.

Ciise wuxuu yidhi - markaasaad garan doontaan inaan isagii ahay iyo inaan keligay waxba samaynaynin, laakiin sida Aabbuhu ii baray ayaan waxyaalahaas ugu hadlaa.

Ciise wuxuu sheegay in erey kasta oo uu ku hadlo iyo hawl kasta oo uu qabtay ay ahaayeen wixii uu ka MAQLAY oo uu ADDEECAY wixii uu maqlay.

Neefta ku gelaya - Ilaah la Maql.

Neefta kaa baxaysa – Addeec wixii aad maqashay oo la wadaag kuwa kale.

Ciise wuxu sheegay in kuwa raacsani ay Ilaah wax ka maqlayaan Ruuxiisa Qudduuska ah awgii – ama Neeftiisa – taasoo galaysa mid walba oo inaga mid ah oo raaca Isaga.

Ciise wuxuu sheegay - Ruuxa Quduuska ah oo Aabbuhu ku soo diri doono magacayga, wax kasta ayuu idin bari doonaa, wuxuuna idin xusuusin doonaa wax kasta oo aan idinku idhi.

Neef qaadasho – waa Ilaah oo wax laga maqlo.

Neefsasho –waa adiga oo addeeca oo wixii aad maqashay la wadaaga kuwa kale.

Ciise wuxuu ina tusayay sida loo noolaado.

Haddaba sideen u maqlaynaa codka Ilaah? Sideen ku garanaynaa waxa aan samaynayno?

Ciise wuxuu isku tilmaamay inuu yahay “Adhi jirka wanaagsan”. Xertiisa wuxuu ku tilmaamay “Idihiisa”.

Ciise wuxuu yidhi - Idahaygu codkaygay maqlaan, waanan garanayaa iyaga, wayna i raacaan.

Ciise wuxuu yidhi - Kii Ilaah kuwiisa ka mid ah, erayada Ilaah ayuu maqlaa, sidaas daraaddeed idinku maqli maysaan, waayo, Ilaah kuwiisii ma ihidin.

Haddaannu nahay kuwii Ciise, waa inaan u taagnaanaa maqlidda codkiisa.

Waxaan codkiisa ku maqlaynaa u taagnaan.

Waxaan codkiisa ku maqlaynaa inaan diiradda saarno Ciise.

Waxaan codkiisa ku maqlaynaa fikiradeenna, aragtiyadeenna, dareennadeenna iyo ifaalaadeenna.

Waxaan codkiisa ku maqlaynaa marka aan qorno oo aan tijaabinno wixii aan maqalnay.

Ma ahan in cod walba, fikir walba, aragti walba, dareen ama ifaalo walba ay codka Ilaah yihiin.

Mararka qaar codka cadawga ayey noqon karaan. Ciise wuxuu yidhi cadawgeennu waa beenaaleh waana aabbaha beenta. Ciise wuxuu sheegay in cadawgeennu u yimaado inuu na xado na dilo oo na burburiyo.

Balse Ilaah wuxuu noo sheegayaa inaan Isaga ka maqlayno oo aan ogaanayno inuu Isaga marka uu hadlo. Ficil iyo baryo ayaan codkiisa si fiican ugu ogaan karnaa. Waan kala ogaan karnaa in codkaasu kii Ilaah yahay ama cod kale.

Halkan waxaa an wax aan ku tijaabin karno waxa aan maqalno:

- Marka uu Ciise hadlo – Codkiisu waxa uu mar walba la mid noqonayaa Ereygiisa qoran – oo ah wixii uu Baybalku – inoo sheegay. codkiisa hadalka ah marna ma burriyo codkiisa qoran..
- Marka Ciise hadlo – Codkiisu waxa uu qalbiyadeenna siiyaa dareen rajo iyo nabad. Codkiisu marna eed iyo silic inoogama tegayo. Ciise jacayl ayuu inagu saxaa.
- Codka Ciise ma qeexo shaqooyinka jidhka – dareennada macsida iyo wasakhda, sharka, sanam caabudidida iyo sixirka, nacaybka iyo muranka, masayrka iyo cadhada, damacyada jidhka, khilaafka, kooxaysi iyo hunguri xumo, sakhrannimada iyo ducfi. Kuwani ma ahan kuwa ka yimaadda codka Ilaah ama hadalka Ilaah.
- Marka uu Ciise hadlo – waxa uu qeexaa midka Ruuxa Ilaah oo ah - jacayl iyo farxad, nabad iyo dulqaad, naxariis iyo wanaag, aamminnimo, xilkasnimo iyo is celin.
- Marka uu Ciise hadlo – Codkiisu waxa uu na siiyaa kalsooni beddelkii shakiga. Waxaannu gudaheenna ka helaynaa aqoon iyo nabad marar badan maqalkoodu inagu soo laalaabto. Wax walba hal mar oo qudha ma wada maqli karno. Waxa aan ka maqalnaa wixii nalooga baahnaa in aan maqalno. Balse waxa aan maqalnaa waa wax adag oo sal leh mana aha wax kala og'aya ama is beddelaya.

Warka wanaagsa ee uu rumayste kasta oo Ciise uu leeyahay ayaa waxa ay tahay in neefta jidhkeenna gelaya iyo tan aan neefsanayno ay yihiin waxa aan Ilaah ka maqalno oo aan u sheegayno kuwa kale-Ilaahna in badan ayuu ina maqlaa.

Neeftiisa innaga oo dhan ayey ina gelaya.

Si cad ayaan codkiisa u maqli doonaa.

Codkiisa mooyaane wax kale maqli mayno.

Waxaan dunida ka arkaynaa shaqadiisa si aan awood ugu yeelanno inaan ku xidhanno oo aan kala shaqayno isaga.

Waxaa ina gasha oo inaga soo baxda neef nololeed.